

湘綺樓全書

湘綺樓全書

七言歌行卷第一

唐詩選第七

長沙湘潭王闖運字王父撰

序目

文德皇后一首 明皇帝一首 長孫無忌二首

謝偃一首 王宏一首 王勃五首 盧照鄰三首

駱賓王三首 喬知之一首 劉希夷一十二首

沈佺期三首 富嘉謨一首 吳少微一首 王適

二首 宋之問三首 李嶠二首 崔湜一首 崔

液一首 王無競一首 郭震一首 張說二首

司馬逸客一首 張諤一首 許景先一首 丁仙

芝一首 張若虛一首 孫逖二首 崔顥六首

李頎一十八首 孟浩然二首 盧鴻一一十首

王昌齡四首 萬楚一首 王諲一首 劉方平二

首 王翰二首

右錄三十六人詩一百一首

文德皇后洛陽長孫氏

春游曲

上苑杏花朝日明
蘭閨豔妾動春情
井上新桃偷面色
檐邊嫩柳學身輕
花中來去看舞蝶
樹上長短聽嚶鶯
林下何須遠借問
出眾風流舊有名

元宗明皇帝李隆基

春臺望

暇景屬三春，高臺聊四望。
目極千里際，山川一何壯。
太華見重巖，終南分疊嶂。
郊原紛綺錯，參差多異狀。
佳氣滿通溝，遲步入綺樓。
初鷺一一鳴，紅樹歸雁遲遲去。
綠洲太液池，中下黃鶴昆明水。
上映牽牛聞道漢家全盛日，
別館離宮趣非一。
甘泉逶迤亘明光，五柞連延接未央。
周廬徼道縱橫轉，飛閣回軒左右長。
須念作勞居者逸，勿言我後焉能恤。
爲想雄豪壯柏梁，何如儉陋卑茅室。
陽烏黯黯向山沈，夕鳥喧喧入上林。
薄暮賞餘同步

輦還念中人罷百金

齊國公太尉洛陽長孫無忌字機輔

新曲

阿儂家住朝歌下早傳名結伴來游淇水上舊長情玉
佩金鈿隨步遠雲羅霧縠逐風輕轉目機心懸自許何
須更待聽琴聲

回雪凌波游洛浦遇陳王婉約娉婷工語笑侍蘭房笑
蓉綺帳開還掩翡翠珠被爛齊光長願今宵奉顏色不
愛吹簫逐鳳皇

湘潭令前宏文館直學士衛縣謝偃

樂府新歌應教

青樓綺閣已含春凝妝豔粉復如神細細輕裾全漏影
離離薄扇詎障塵尊中酒色恆宜滿曲裏歌聲不厭新
紫燕欲飛先遶棟黃鸝始哢卽嬌人撩亂垂絲昏柳陌
參差濃葉暗桑津上客莫畏斜光晚自有西園明月輪

濟南隱士王宏

從軍行

兒生三日掌上珠燕領蜎肱禮李膚十五學劒北擊胡
羌歌燕筑送城隅城隅路接伊川驛河陽渡頭邯鄲陌
可憐年少把手時黃鳥雙飛梨花白秦王築城三千里

西自臨洮東遼水山邊疊疊黑雲飛海畔莓莓青艸死
從來戰鬥不求勳殺身爲君君不聞鳳皇樓上吹急管
落日裴回腸先斷

號州參軍龍門王勃字子安

秋夜長

秋夜長殊未央月明白露澄清光層城綺閣遙相望遙
相望川無梁北風受節南雁翔崇蘭委質時菊芳鳴環
曳履出長廊爲君秋夜擣衣裳纖羅對鳳皇丹綺雙鴛
鴦調砧亂杵思自傷思自傷征夫萬里戍他鄉鶴關音
信斷龍門道路長君在天一方寒衣徒自香

采蓮曲

采蓮歸綠水芙蓉衣秋風起浪鳧雁飛桂櫂蘭橈下長
浦羅裙玉腕輕搖櫓葉嶼花潭極望平江謳越吹相思
苦相思苦佳期不可駐塞外征夫猶未還江南采蓮今
已暮今已暮采蓮花渠今那必盡倡家官道城南把桑
葉何如江上采蓮花蓮花復蓮花花葉何稠疊葉翠本
羞眉花紅強如頰佳人不在茲悵望別離時牽花憐共
蒂折藕愛連絲故情無處所新物徒華滋不惜西津交
佩解還羞北海雁書遲采蓮歌有節采蓮夜未歇正逢
浩蕩江上風又值裴回江上月裴回蓮浦夜相逢吳姬

越女何丰茸共問寒光千里外征客關山路幾重

臨高臺

臨高臺高臺迢遞絕浮埃瑤軒綺構何崔嵬鸞歌鳳吹
清且哀俯瞰長安道萋萋御溝艸斜對甘泉路蒼蒼茂
陵樹高臺四望同佳氣鬱蔥蔥紫閣丹樓紛照耀壁房
錦殿相玲瓏東彌長樂觀西指未央宮赤城映朝日綠
樹搖春風旗亭百隧開新市甲第千營分戚里朱輪翠
蓋不勝春疊榭層楹相對起復有青樓大道中繡戶文
窗彫綺襲錦衾夜不褰羅帷晝未空歌屏朝掩翠妝鏡
晚窺紅爲君安寶髻蛾眉罷花叢塵開狹路黯將暮雲

間月色明如素鴛鴦池上兩兩飛鳳皇樓下雙雙度物
色正如此佳期那不顧銀鞍繡轂盛繁華可憐今夜宿
倡家倡家少婦不須顰東園桃李片時春君看舊日高
臺處柏梁銅雀生黃塵

滕王閣

滕王高閣臨江渚佩玉鳴鸞罷歌舞畫棟朝飛南浦雲
珠簾暮卷西山雨閒雲潭影日悠悠物換星移幾度秋
閣中帝子今何在檻外長江空自流

江南弄

江南弄巫山連楚瀛行雨行雲幾相送瑤軒金谷上春

時玉童仙女無見期紫霧香煙渺難託清風明月遙相思遙相思艸徒綠爲聽雙飛鳳皇曲

新都尉范陽盧照鄰字昇之

行路難

君不見長安城北渭橋邊枯木橫查臥古田昔日含紅復含紫常時畱霧亦畱煙春景春風花似雪香車玉輿恆闌咽若箇游人不競攀若箇倡家不來折倡家寶袂蛟龍帔公子銀鞍千萬騎黃鸝一一向花嬌青鳥雙雙將子戲千尺長條百尺枝月桂星榆相蔽虧珊瑚葉上鴛鴦鳥鳳皇巢裏鵲雛兒巢傾枝折鳳歸去條枯葉落

任風吹一朝零落無人問萬古摧殘君詎知人生貴賤
無終始倏忽須臾難久恃誰家能駐西山曰誰家能堰
東流水漢家陵樹滿秦川行來行去盡哀憐自昔公卿
二千石咸擬榮華一萬年不見朱唇將玉貌唯聞素棘
與黃泉金貂有時換美酒玉塵恆搖莫計錢寄言坐客
神仙署一生一死交情處蒼龍闕下君不來白鶴山前
我應去雲間海上邈難期赤心會合在何時但願堯年
一百萬長作巢由也不辭

長安古意

長安大道連狹斜青牛白馬七香車玉輦縱橫過主第

金鞭絡繹向侯家。龍銜寶蓋承朝日。鳳吐流蘇帶晚霞。
百丈游絲爭繞樹。一羣嬌鳥共啼花。啼花戲蝶千門側。
碧樹銀臺萬種色。複道交窗作合歡。雙闕連甍垂鳳翼。
梁家畫閣天中起。漢帝金莖雲外直。樓前相望不相知。
陌上相逢詎相識。借問吹簫向紫煙。曾經學舞度芳年。
得成比目何辭死。願作鴛鴦不羨仙。比目鴛鴦真可羨。
雙去雙來君不見。生憎帳額繡孤鸞。好取門簾帖雙燕。
雙燕雙飛繞畫梁。羅幃翠被鬱金香。片片行雲著蟬鬢。
纖纖初月上鴉黃。鴉黃粉白車中出。含嬌含態情非一。
妖童寶馬鐵連錢。倡婦盤龍金屈軼。御史府中烏夜啼。

廷尉門前雀欲棲
隱隱朱城臨玉道
遙遙翠幃沒金隄
挾彈飛鷹杜陵北
探丸借客渭橋西
俱邀俠客芙蓉劍
共宿倡家桃李蹊
倡家日暮紫羅裙
清歌一轉吐氛氲
北堂夜夜人如月
南陌朝朝騎似雲
南陌北堂連北里
五劇三條控三市
弱柳青槐拂地垂
佳氣紅塵暗天起
漢代金吾千騎來
翡翠屠蘇鸚鵡杯
羅襦寶帶爲君解
燕歌趙舞爲君開
別有豪華稱將相
轉日回天不相讓
意氣由來排灌夫
專權判不容蕭相
專權意氣本英雄
青虬紫燕坐春風
自言歌舞長千載
自謂驕奢陵五公
節物風光不相待
桑田碧海須臾改
昔時金階白玉堂

卽今惟見青松在寂寂寥寥揚子居年年歲歲一牀書
獨有南山桂花發飛來飛去襲人裾

獄中學騷體

夫何秋夜之無情兮皎晶悠悠而太長圓戶杳其幽邃
兮愁人披此嚴霜見河漢之西落聞鴻雁之南翔山有
桂兮桂有芳心思君兮君不將憂與憂兮相積歡與歡
兮兩忘風嫋嫋兮木紛紛凋綠葉兮吹白雲寸步千里
兮不相聞思公子兮日將曛林已暮兮鳥羣飛重門掩
兮人徑稀萬族皆有所託兮蹇獨淹畱而不歸
長安主簿遷臨海丞義烏駱賓王

帝京篇

京田寶琳詩

卷之

七

次

行

山河千里國城闕九重門不覩皇居壯安知天子尊皇
居帝里峭函谷鶉野龍山侯甸服五緯連影集星躔八
水分流橫地軸秦塞重關一百二漢家離宮三十六桂
殿嶽岑對玉樓椒房窈窕連金屋三條九陌麗城隈萬
戶千門平旦開複道斜通鳩鵲觀交衢直指鳳皇臺劍
履南宮入簪纓北闕來聲名冠寰宇文物象昭回鉤陳
肅蘭厄璧沼浮槐市銅羽應風回金莖承露起校文天
祿閣習戰昆明水朱邱抗平臺黃扉通戚里平臺戚里
帶崇墉炊金饌玉待鳴鐘小堂綺帳三千戶大道青樓